



G. B.

H.M. 228.

Typo. 287

Very scarce





LAOIDHEAN SPIORADAIL,

LE

DOMHNALL MATHANACH,

DUINE URRAMACH DIADHAIDH,

A BHA ANN AN

SGIRE CHIL-DONNAIN,

AN CATAOBH.

Bi'dh air 'n fhìrean cuimbne shíorruidh.
Iomradh chubhr cha d'thèid air di-chuimhn'.
Air dh'a bhi marbh (ach beo 'n Crìosda).
Le meas ghaoil tha e labh'rt risd ruinn.

AN TREAS CLODH-BHUALADH,

ATH-LEASAICHTE AGUS MEUDAICHTE.

OBAIREADHAN :

CLODH-BHUAILTE LE SEUMAS DANIEL AGUS

A CHUIDEACHD,

48, Stràid-a-Chaisteil.

1849.



LAURISTON CASTLE
LIBRARY ACCESSION

Allit
McLeod
Reddell

ADVERTISEMENT.

THE Author of the following Pieces was a native of Sutherland-shire, and resided from his youth in the heights of the Parish of Kildonan. He was born in 1719, and died January, 1782. Though destitute of the advantages of education, he was one of the most celebrated Christians in that, or perhaps any other country. He possessed a clear and comprehensive view of Divine truths; and discovered (what, alas! is more rarely to be met with) a deep and practical experience of its power on the heart and life. His memory to this day in that country is much and justly revered, and will be long embalmed in the hearts of many who knew and could appreciate his worth. It will be seen from the following Pieces, that he was also a Christian Poet, and that in no ordinary degree. They were composed on different occasions; and most of them relate to occurrences in the ways of Providence respecting himself, of which he was not an inattentive observer. They may, nevertheless be useful to others, and especially to serious and exercised Christians. It is with this intention, and at the importunity of friends who reckoned them worthy of being preserved, and more generally spread, that they are now published. The work necessarily labours under the disadvantages of a posthumous one; and the dialect in which it is written, but which it was not thought proper to alter, may not be quite intelligible to those in the more Southern Districts of the Highlands. It is hoped, nevertheless, that its circulation may be attended with no small degree of usefulness; and, under this impression, we most cordially give the Publication our humble sanction.

JOHN MACDONALD.
JOHN KENNEDY.

AN CLAR-INNSIDH.

| | Taobh duilleig. |
|--|-----------------|
| 1—Oran a rinn e 'n uair bha nithe an t-saoghal so 'ga thréigeadh | 5 |
| 2—A' tagair gu 'm bitheadh an Tighearn na dhìdean dh'a ann an cruaidh-chás, agus air stiuir anam a' dol tre an tsaoghal | 10 |
| 3—Oran a rinn e ann am Muilean, a' faicinn an uisge a tighinn air, agus anam féin tioram, mar lomradh Ghideon | 13 |
| 4—Oran a rinn e aig ám an d'robh e ann an tinneas-mór | 15 |
| 5—Tuiteam an duine bho Dhia: tearnadh tre Chrìosd —Dichuimhne Dhaoine air maitheas an Tighearn —agus an dimeas air an ath bhreith | 18 |
| 6—Oran air Glòir agus buaidh na h-Eiric a phaigh Crìosd airson nan daoine taghte | 21 |
| 7—Gu bheil gach duine tha air ath-bhreith gun aobhar ghearain | 24 |
| 8—Oran a rinn e aig ám an d'robh e gun láthraich, agus cuid de a luchd eolais, gun a bhì a' breithneachadh maitheas an Tighearna dh'a, a' meas a chor a bhì ro ìosal—Fhuair e an sin, coslach ri lob, tuille is dha uiread 'sa chaill e | 26 |
| 9—Oran a rinn e aig ám an deach mòr shluagh as an Duthaich do America, air lorg foireigin na'n daoine mora | 28 |
| 10—Oran a rinn e air Coimhearnsnaich mu 'n cuairt dh'a, a bha ann an aimbreite, a' caineadh 'sa deanamh rannaidheachd shalach do cheile; is bha feumail ann an cosg' a chuir air an cleachdaidhean' | 32 |
| 11—Oran a rinn e do ANNA MHURCHIE, bean araidh; ri ám foghar' fliuch, 'n uair a bha i air a sarachadh le easchreidimh | 34 |
| 12—Cran a rinn e ri am gainne | 35 |
| 13—Oran a rinn e ann am bliadhna na gainne ré am Cogadh America | 36 |
| 14—Oran a rinn e ann an timean trioblaideach | 38 |
| 15—Marbh-rann a rinn e do Mhaighstir HUISTEAN ROSS, Ministear a bha ann an Cildonnain | 41 |
| 16—Marbh-rann do SHEARRA M'CULLOCH, a bha 'n Dornoch | 44 |

LAOIDHEAN SPIORADAIL.

I.—*Oran a rinn e 'n uair a bha nithe an t-saoghal so 'ga thréigeadh.*

'S MITHICH dhomhs'a bhi tuirsgeach,*

'San dus a' triall m' fhàgail,

Is m' aghaidh chuir romhan,

Ann an gnothaich mo thearnadh ;

Ach dar sheallas mi stigh,

Air seana-chridh' cheud Adhamh,

'S mòr th'orm do leth-ghrabhadh,

Thug ur-chadal a bhàis orm.

Le cridhe gun chreidimh,

Làn aidich gun ghràsan,

A ghabhadh le faileas,

Mar dhearbhadh air tearnadh ;

Cridhe a tha feòlmhor,

'S leis nach deoin dhol dachaidh,

'S tha sealltuinn ri saoghal,

Mar iodhal le tlachd ann.

Ach dar 'bheireas am bàs orm,

'S nach fhàr mi dhul as uaith,

Bu mhaith an uair sin na Chrìosd e,

Gu m' dhìon bho do cheartas.

Ooch is ochan mar tha mi !

'S mi 'san fhasaich an cunnart,

Agus Iordan a bhàis

Na chuan bàthaidh tha cumant.†

* Preparing for a journey. † Common.

Mur fhaigh mi 'n caochladh glòrmhor,
 Air an fheòil a tha malluicht',
 Agus cobhair na Trìonaid,
 Do m' dhìon bho gach cunnart;
 Cha ruig mi leas bhi 'g innseadh
 Ciod a dh' iomrainn gu tearnadh;
 Cha dean ni's lugh' no Criosd e,
 An Iobart tha làidir:

A fhuair buaidh air an t-saoghal,
 Air daoine 's air Sàtain,
 'Sa dh' fhosgail geatacha' Shioin
 Do gach neach a chaidh thearnadh.
 Bheiream comhairl' oirbh 'bhràithrean,
 Na'm b'àill leibh 'bhi beò,
 Gun sibh d'ur milleadh le saoghal,
 'Tha 'caochladh mar cheò,

Nach 'eil sibh 'faicinn na daoine
 Th' air leaghadh sìos leis mar ròin,*
 A chuir an cul'aobh ri Criosd leis,
 'Sa leig dhiubh a bhi beò:
 'S mòr mo thruas ris gach duine,
 'Tha 'n taobh muigh do 'n Fhear-thearnaich,
 'S tha fathast na *strains'*ear†
 Do mhac cinnteach Israeil.

'S mi-chinnteach an oighreachd,
 'S cha 'n fhoighnich mi a h-àireamh,
 Cha 'n 'eil i ac' ach air earball,
 Dar dheargas am bàs orr';
 Dar dheargas am bàs orm,
 'S nach fhar mi dul as uaith;
 Dar dhiùltas na glùinean,
 'Sam beul nach dean labhairt:

* A sea animal. † Or, coigreach.

'Sa chluais nach dean clàisdean,
 'San t-sùil nach dean faicinn;
 Tha so 'gam agair ni's tric' gu ùrnuigh,
 Mo thim a bhi 'caitheamh;
 'Sam bàs a' tighinn dlùth dhomh,
 Nach gabh diùltadh dar thig e,
 Le comhairl' mo chàirdean,
 Le ràthan no bileach.*

Ach dar gheibh am bàs so comas,
 A Sion bho 'n Tighearna,
 Thig e-san mar Earraid
 Le cabhaig do m' iarraidh:
 Ach cionnus dh' fheudainns' bhi beò
 Mar biodh Stòras an Athair,
 A thug Criosd na Glòire,
 Mar lòn dhomh ri chaitheamh.

Ach dar sheallas mi 'siosa,
 Orm fhein a chlùit† shalach,
 Cuiridh sud mi gu h-ìosal
 A sois aig do chathair;
 Aig cathair do thròcair,
 Tha sòlas ri fhaighinn,
 Na 's mò na saoghal,
 Ged dh'fhaodt' a ghleidheadh.

Tha 'n Spiorad Naomh ann,
 'S e mar Shoar† a sior shnaidheadh;
 Dheanadh Creidmhach a cealgair,
 As an earbainnse ma'anam:
 Dh'earbainn ann m'anam,
 Is dheanainn deth bràthair,
 Le gaol ni bu doimhne
 Na gheibheadh aon mhac mo mhàthair,

* Bills. † A clout. † Carpenter.

Al

'S ma's e 's nach bitheadh e,
 Ach na dhuine 'thaobh nàduir,
 'S goirid a leanadh e mise,
 Tre mheadhon mo nàimhdean ;
 Far am bheil naomhachd,
 Tha mìneachd is irisleachd ;
 Tha saorsinn is càirdeas
 Anns gach cearnaidh ri shireadh :

'N tra dh'eir'eas a Ghrian orr'
 A nios gu suilleach,
 Gheibhear iadsan an tra sin
 Mar aon ā! ann do bhroilleach :
 Is e so am baiune,
 Tha fallain gu àrach,
 'S anns nach 'eil a chrodhaich,*
 Ged a tha 'ar 'ga àicheadh.

'Se gliocas na nathrach,
 Agus *puision*† an t-*Satain*,
 Dh'fhag mis' cho an-toileach
 Air an talamh so fhagail :
 Ach na 'n tigeadh 'n geur-leanmhuinn
 Sin dar dh' aithnicht' na bràithrean :
 Oir theidheadh iad cuideachd
 Mar chaoraich do 'n fhàsaich

'S ged sgapaidhte bho chéile
 Cha 'n eugadh an cairdeas,
 'S cha sguireadh iad a dh' ùrnuigh
 Ged a bhùitichte bās orr' ;
 Ged bhuitichte bās orr',
 Bha lorg Dhaibhidh 'gan cobhair,
 Dheanadh an cumail a 'n aird,
 'N uair b' aird na tonnan.

* Something that adulterates the milk. † Poison.

A bheireadh a null iad air Iordan,
 Gun am brògan a bhogadh,
 A stigh air geata' na gloire,
 Sud an ceòl ac' gun obadh;
 Tha 'n ceòl ac' gun obadh,
 Is aobhar ogan gu brach e,
 Do chlann na h-ath-bhreith,
 Oir gheibh iad án sàth dheth.

Ach ma shiubhlas iad mi-cheart,
 Cha chaomhainn e stratain;*
 Cha toir e buill dhoibh diomhan,
 Ach d' an dion o 'n t-Satain.
 Nach truagh leatsa daoine,
 Tha gun naomhachd gun ghrasan,
 Gun dearbhachd o 'n fhìrinn,
 Air cinnteachas tearnaidh.

Tha 'n creach air an cul'aobh,
 Tha 'n sùilean air iadhadh,
 Tha 'n cridhe na shuidhe,
 Air nithe di-buan ri 'n iarruidh,
 Nach cruaidh leat cuid do luchd-comuin,
 Gun sùgh ach'alladh† ghrasan,
 A tha nan luidh' ann am muineas‡
 Fo dhalladh aig Satan.

A thilg thairis an fhìrinn,
 A tha 'g innseadh mar 'tha iad,
 'S nach teid anam gun naomhachd
 A chaoidhch' steach do Phārras.
 Ach na 'n chleachda sibh dicheall,
 'Sa chealgairachd aicheadh,
 A dheanamh fathasd 'n 'ur naoimh sibh,
 'S'n ur luchd-aon-tigh air fhrādaich.

* Stripes. † Cliù. ‡ Sloth.

Na smuainichidh a chairdean,
 Nach bu chradh leam 'ur diobhall
 Dar thig laithean an fhoghair,
 Is tìm taghaidh nan diasan,
 Dar thig laithean an fhoghair,
 Is tìm taghaidh nan diasan,
 Gach neach gheibhear gun gluasan,
 Gheibh a Satan a sios iad.

Ach cha 'n urra' mi innseadh
 Gach ni tha na chradh dhomh,
 Mheud 'sa tha mi a' faicinn
 Do mhi-chleachdadh air t-fhabhar,
 'N deigh daoine bhi tainneadh,
 'San t-aran air aicheadh,
 Tha iad a rithist air tionnda'
 Gu cleamhnas ri 'n abhaist.

Gu cleamhnas ri 'n abhaist,
 'S cùis chraidh bhi 'g am faicinn,
 Le ith agus le òl,
 Le an-steòrnadh 's mi-chleachdamh;
 Cuid eile cho chrion diubh
 'Deanamh dia agus taic dheth;
 'S mur caochail sibh abhaist,
 Bithidh 'm bàs na chùis ghrabh dhuibh.

II.—*A' tagair gu 'm bitheadh an Tighearn na dhèidean dh'a ann an cruaidh-chàs, agus air stiùir anam a' dol tre an t-saoghal.*

OCH a ghaoil! bi air mo stiùir,
 Oir 's iomadh sùil tha 'g amharc orm;*
 'S freumh an uilic nach deach a bhuain
 Mar eunlath a' cruinneachadh:

* In this Song, every four lines form a stanza; each two lines to be twice repeated (which make eight), and that in the following manner, viz. :—The third and fourth to be repeated also as the fifth and sixth, and the sixth and seventh begin the next stanza.

Dar dh'éireas iad-san a suas,
 Bitheadh do lāmhs' gu luath 'san eadargain;
 'S bitheadh naomhachd 'gabhail buaidh
 'Measg an t-sluaigh gu maireannach.

'S far na thog thu clach is ùir,
 Cha dùchas leat bhi dealachdain:
 Is da olc 's gu 'm bi do chlann,
 Tionndaidh tu dhachaidh iad;

'N uair a bhitheas an raidean cām,
 Cha chaomhainn thu an ceasnachadh,
 'N uair a bhitheas an cridhe teann,
 Labhraidh tu ri 'm faireachdain.

Ach, O! gabh truas ri talamh bān,
 Tha fathast slan 'gun charachadh;
 Is cuir-sa sìol air bharr nam beann,
 Oir gheall thu ann a t-fhacal e:

Is da olc 'sa gu 'm bi an grùnd,*
 Bithidh sguaban tròm tigh'n dhachaidh dheth,
 Dar bheir an aimsir toradh tròm,
 Gun duille chall no dhealachdain.

Is tu mo ghaol, is tu mo ghradh,
 Na 'n t-òr is fearr ri fhaighinn thu,
 Nach bi air do thionnda' gu cradh,
 'S nach urra 'm bas do dhealachadh:

Oh! nach fuiling sibh dhomh 'radh,
 Gu 'm b'aluinn peighinn sporan† dheth,
 Ach 'sann a tha mo thruas gu brach
 Ris a phairt ud nach d'fhoirich e:

Ach cha 'n 'eil leigheas air an cās,
 A 's fearr na bhi feitheamh ris;
 Oir iads' a leanas chum na crìch,
 Bithidh an sìth-sa maireannach:

* Ground. † Allusion to pocket-money.

Deasaichidh 'se 'n crùn air an ceann,
 'Se so mo chlann 's cha 'n eagail doibh,
 Ach se tha 'n diugh na chùis bhròin,
 Laghad beò is faireachdain :

'S cha 'n 'eil neach ann 'n staid nan gràs,
 Nach 'eil a' cradh a ghearan so,
 O, nach ann bhitheadh fhios again c'ait bheil smùd,
 'Sa chuile bhrùite ri fhoireachdain :

Ach am pàrtaichinn mo ghaol,
 'S gu cleachdainn saorsa m' fhoireacadan,
 Gheibheadh sinn beath na naoimh,
 'S thigeadh sinn gu fearrachas :*

Anns an tìm an d'thigeadh chrìoch,
 Bhitheadh i na beannachd dhuinn ;
 Gheibheadh sinn n-ar di-sairse†
 Bho chorp a bhàis 'san dealachdan :

'S gu 'm b'e sud an aobhar chiùil
 Ri lath' ceò mar th'againn so,
 Bhi 'dol a stigh do thìr Chanaain,
 Do ghabhail làn gun dealachdan :

An fhearainn nach d'théid an daors',
 Is air nach caochail maighstir ;
 'S gach neach a thàras a dhol ann,
 A choidheh cha 'n fhaicear ainneis orr' :

Ach bithidh aca-san r'a radh,
 Gur bochd a bha sinn 'roimhe so.
 O ! am feud sud a bhi gun ghaol
 Do 'n Trionaid uile-chumhachdach :

Do 'n Fhear-shaoraidh is mò glòir,
 A bha 'san fheòil gu fulachd ann ;
 'S do Athair nan uile ghràs,
 Rinn an t-slàint so ullachadh.

III.—*Oran a rinn e ann am Muilean, a' faicinn an uisge a' tighinn air, agus anam féin tioram, mar lomradh Ghideon.*

MO thruaighe léir ! mo thruaighe léir !

Mo thruaigh' léir ! mar 'tha mi !

'Tha mo lomradh uile tioram,

'S coslach mis' ri fàsaich :

Ma labhras mi air cruas cridhe,

'S daighean streangan* Shatain ;

Ma labhras mi mu inntinn dhorch,

Tha i doilbh ri rèiteach :

Mo thruaighe leir ! mo thruaighe leir !

Mo thruaigh' leir ! mar tha mi !

Tha mo lomradh uile tioram,

'S coslach mis' ri fàsaich :

Ma labhras mi mu pheacadh 'n t-sannt'

'Se ceud-ghinn clann an t-Satain,

'S ma labhras mi air anam marbh,

'S dlùth do dhorsa' bàis e :

Mo thruaighe leir ! mo thruaighe leir !

Mo thruaigh' leir ! mar tha mi !

Tha mo lomradh uile tioram,

'S coslach mis' ri fàsaich :

Ma labhras mi mu thoil tha truailidh,

'S gruaimeach mi ri m' fhagail ;

'S ma labhras mi mu 'n eas-chreidimh,

'S leibideach a phlaigh e.

Mo thruaighe leir ! mo thruaighe leir !

Mo thruaigh' leir ! mar tha mi !

Tha mo lomradh uile tioram,

'S coslach mis' ri fasaich :

* Strings or cords.

Ach na 'm faicinn buidh'n eile 'sileadh,
 Bhithinn-sa nib' fhearr dheth ;
 'S cha chreidinn nach fhaighinn mo shlaint
 Na 'm bitheadh rān* 'san fhasaich.

Mo thruaighe leir ! mo thruaighe leir !
 Mo thruaigh' leir mar tha mi !
 Tha mo lomradh uile tioram,
 'S coslach mis' ri fasaich :
 Ach 'se th'air mo tholladh easbhuidh comuinn,
 'S mi*fo alladh crabhaidh ;
 'S cha 'n 'eil e air an taobhs' do ghlòir
 Na ni mo leòn-sa charadh :

Ach tha mis' feitheamh air an uisg'
 Mar thalamh tioram Ahaib,
 'S dar a ni Elijah ùrnuigh,
 Theid mo chùis-sa rèiteach ;
 Thig na frasan air a ghrund,
 'S bi'dh meas an fhuinn ni's fear dheth.
 'S gheibh mis' ol' a theid mo làmp
 Na 'm boil le ceann an t-Satain.

'S gheibh mise' ol' a theid mo làmp
 Na 'm boil le ceann an t-Satain ;
 Oir a tha m' Fhear-saoraidh beò,
 'Se sud mo ghlòir 's mo ghaird'chas :
 M' Athair muileach, m' Athair muileach,
 M' Athair muileach glormhor',
 Bei 'smuaineachadh air meud do *ghibht*
 'S mor ri mheas do throcair.

Bhi 'smuaineachadh air meud do *ghibht*
 'S mor ri mheas do throcair ;
 'Se th'air mo phian' meud mo chrionadh,
 'S mi 'san fhíonan ghlormhor ;

* Cry or weeping.

'Se th'air mo phian' meud mo chrionadh,
 'S mi 'san fhìonan glormhor,
 Ach dar thig an dealt bi'dh figis pailt.
 Is falbhaidh 'n tìd* reothts' uainn'.

Ach dar thig an dealt bi'dh figis pailt,
 Is falbhaidh 'n tìd reothts' uainn'.
 Ged 'eil mis' fuar, tha d'ghealladhs' buan,
 Ge fhaigh mi suain de 'n traigh so :
 Dar thig an tuil bi'dh 'n airc sa mhuir,
 'S bi'dh na sionnaich air 'm bàth'adh,
 Theid Noah 'steach, E-fein 'sa shliochd,
 'S cha d'theid a h-aon diubh fhagail.

IV.—*Oran a rinn e aig àm an d'robh e ann an tinneas mòr.*

CIA b'e shireadh a lath'r-san,
 Bu chomunn e nach failingeadh,
 'Se nach deanamh m'aicheadh
 Dar bhithinn 'sās am fheum ;
 Oir tha chairdeas maireannach,
 Is iom'dh ni a' leantuinn air,
 'S mairg ris nach canadh tu,
 O is leanabh dhomh thu fein !

Oir tha thu stōrasach,†
 'S prothaiteach a' t-ōrdrughean,
 'S bithidh t-fhirinns' a' seolladh,
 Gach neach d' an eól thu fein ;
 Nam b'aill leat bhi urramach,
 'S do chairdean bhi maireannach,
 Feuch g'an sir thu cleamhnas
 Ri teaghlach uasal ard.

'S ma 's maith leat cinneanta' i,
 Bitheadh smior na h-uile fin' innt',
 Is dar ni e 'n cruinneachadh,
 Is cionald air a threud ;
 Is na ni e fhagail
 Ged bhiodh ann do chairdean,
 Cha 'n fhàrmad leam an abhaist,
 Is aobhar craidh iad féin.

Oir bha peacadh dualach dhoibh,
 Bithidh ifrinn ac' na tuarasdal ;
 'S bithidh ceann an fhuathais,
 A' raighadh orr' gu sior.
 Ach Médail an t-Oighr' uasal
 Bha 'sa bhitheas buadhach,
 'S gach neach bheir gradh d'a thuairsgeul,
 Bithidh thuarasdal d'a réir.

Oir tha E uile grasmhor,
 Is cuimhneach air a chairdean,
 S fhad 'sa mhaireas dh'a-san
 Cha 'n fhaic e iads', a'm feum,
 Ged bhitheadh iad gun aodach,
 Gun olainn air no caoraich,
 Gun arbhar anns na raonta'
 Am feasd cha dibir e-sa.

Ged thormiacheadh an teudan,
 Bithidh é-s' mar dhealt 'sa cheitean,*
 Is bheir e fas d'an geugan,
 'S cha ghabh e éis dheth miann :
 Dar sheallas e le 'shùilean
 Air sionnaich bheag na' cùilean
 Tuitidh iad gu'n glùinean,
 'Se sud an lùths' a chrion.

* A season in the month of May, so called.

Ach 'se mo ghradhsa fionain
 Do nach dual bhi crionadh,
 'S air nach dearg na sianntan,
 Gu milleadh sìol 'sa ghrund.
 Na'n suidhicht' ann na geugan,
 'S criona a tha fo ghrèin,
 Dh' fhasadh iad mar Shèdar
 'S mar Lebanon nan crann.

Oir thionndadh chraobh-fhìon iad,
 Gu 'naduir fèin gu sgiamhach,
 Agus chidht' orr' fiogais,
 'Bha air crionadh anns a ghleann,
 Bha roimh' so 'san fhasach,
 Nan cnamhan tioram fasail,
 'S dar shìn è-s' ri 'n aiteach,
 Gu brach cha 'n iad a bh' ann.

Oir fasaidd iad gu h-uallach,
 Mar chraobhan phailm buadhach ;
 Bhi'dh fig's 'n ait a chluaran,
 'S an t-uan an ait a mheinn :
 Ach b'e so na laith' bronach,
 Le aideachadh is eòlas,
 'Smuaineachadh gur beò iad,
 'N uair nach eòl dhoibh 'm bas.

Cha'n fheud meas na naomhachd
 'Bhi air mnathan no air daoine,
 Dh' easbhuidh ath-bhreith fhìrinneach,
 Air inndreachdan tre ghras,
 O ! nach d'thoir iad gaol duit
 Ris na chleachd thu saorsain,
 'Sa bhuannaich thu le naomhachd,
 Bho dhaors' an dara bas.

Na 'm bi'dh cuimhn' air cairdeas,
 Is taisbeanadh dō ghraidh-san,
 Cha bu sheirbhis bhealach
 A bheireadh iad-san dhuit;
 Ach umhladh le dicheall,
 An spiorad is am firinn
 Ath-bheothaich sinn le naomhachd,
 'Se sin dar ni sinn leat.

V.—*Tuiteam an duine bho Dhia : tearnadh tre
 Chrìosd—Di-chuimhne Dhaoine air mai-
 theas an Tighearn—agus an dimeas air
 an ath-bhreith.*

AR sinnseara bho thùs,
 Dar chaill iad an lùths,
 Mhill iad an cùis air sùsdan* àl.
 Tha 'n truailleadh so lionmhor,
 Dh' fhag mis anns an fhìonain
 Mar chraobh th' air crìona' gun fhig's gun
 bhlàth.

Ach moladh do 'n Trìonaid,
 Ghlormhoire, sgiamhach,
 A phlanntaig dhuinn fìonain tre lionmhorachd
 gràis,
 Is fearr na lios Edein,
 Gus an d' thainig a bhèist† ud
 Le meas na geug agus breug ann a beùl.

'N sin dh' fhàs peaca' ro lìonmhor,
 Tha dhomhsa na phiana',
 Dh' fhag mis' cho mi-sgiamach, 'm fianuis
 mo ghràidh.

* Thousand. † Alluding to the Tempter in the shape
 of a serpent.

Ach meudal an t-Adhamh,
Nach meallor 'sa ghara'

Chuir cath air an t-Satan 'sam fhàsaich mar
tha.

Cha chualas riamh Rìgh,

'Chuir cath ré a linn,

Gun duine 'bhi ann ach e-féin ;

'S ged dh' fhuiling e 'm bàs,

Gu 'n d' bhuannaich e 'm blàr,

Le ais-eirigh àluinn, a dheigh.

'S dar dh'eirich e suas,

Gu 'n d' choisinn e duais,

Ni beartach a shluagh gu léir,

Cha 'n airgiod 's cha 'n òr,

A dh' fhalbhas mar cheò,

Ach gràsan is gloir na dheigh.

Ach gheibh iad faraon,

Uaithe ann an tìm,

Uiread 'sa chi e orra feum,

'S cor am faigh iad na 's àill,

Dh'earbainn-s' gu 'm b'fhearr

Fhàgail gu àilgheas féin.

Tra chunnaic e'n tùs,

Mar a chluich iad an cùrs',

Dar thug e dhoibh dùn gun fheurs,

Rinn cumiachd bhò*

Dheth meallan de 'n òr,

A tabhairt dha glòir gun chéill.

Gun sealltuinn a suas

Ri Athair na truais,

'Sgoilt dhoibh an cuan 'nam feum,

Thug iadsan a null

Air muir is air tuinn,

S' chuir Pharaoh an grund gu leir.

Tha e-sa.'sa shluagh
 'Nan luidh anns a chuan,
 'S cha 'n fhacas an gluasad a dheigh :
 Ach shaoilinn's' gu 'm buair'
 A thainig air sluagh,
 Dhi-chuimhnich cho luath dhoibh 'm féum.

Ach thugamaid glòir
 Do Athair nam beò,
 'Dhéilig* cho tròcaireach riu ;
 Thug aithne do Mhaois,
 G' an gabhadh e' n laogh,
 'S g' an ruithead e ris air uisg.

G' an deanadh iad òl,
 'S gu'm faicid le bròn,
 Gur dus agus ceò 'bha 'n sud.

Ach tha 'n ath-bhreith an tràths'
 Air a meas anns an àls',
 Gu 'm foghain blàth airson meas ;
 Ach 's grabhail am bàs
 Do dh' easbhuidh a ghràs,
 Bithidh esan na phlaigh a ni sgrios.

Ach pilleams' a rithist
 Do m' ionnsuidh fhéin,
 D'ap dùchas bhi crìon air bheag meas ;
 'S mar biodh gur buadhach
 Do thruas is do ghras,
 Bhithinn's' air m' fhagail ris.

* Dealt.

VI.—*Oran air Glòir agus buaidh na h-Eiric a
phaigh Crìosd airson nan daoine taghte.*

ATHAIR na glòire

Tha do thòrcair do-airemh,
'S tha 'n ath-bhreith na daighneachd
Air an oighreachd 's airde,
Air a sgrìobhadh le Daimon,
Is fuil an Oighre, na h-earlas;
'S ann air a chrann-cheus'
Chaidh 'n eiric a phaigheadh.

'S ann air a chrann cheus'
Chàidh 'n eiric a phaigheadh,
'S ann tre thoradh na fola
Fhuair thu rathad gu tearnadh,
'S nam boil le innleachd an deamhuin
Thùg e mach a Dhi-sairsc*
Leis an ais-eirigh ghlòrmhor,
S' mòr a ceòl do na cairdean.

Leis an ais-eirigh ghlòrmhor,
'S mor a ceòl do na cairdean,
'S i siach-inntinn an Athair i,
'S i taitneas nan naoimh i:
'S i criòchan an lagh,
'S i seadh na h-uile iobairt;
'S mairg tha gun fhìor-ghras,
Dheanamh sta dheth Fear-saoraidh.

'Sann tha a mi-shealbh† siorruidh
Air daoine fiadhaich gun ghrasan,
Th'air an sìtheachadh le nadur,
Bheir amban iad gu Satan;
Ri smuaineachadh air nadur,
'S cùis chraidh bhi 'ga innseadh,
Cha chreid e gu tearnadh,
'S Cha 'n 'eil sgath air roimh dhiteadh.

* Discharge.

Misfortune.



'S mairg tha gun fhìor-ghras
 Dheanamh sta dheth Fear-saoraidh,
 Bheireadh null sinn air Iordan
 Gu tìr ghlormhor na saorsainn,
 Far nach 'eil cùs do Chesair,
 No luchd-èigin ri fhaotainn,
 Ach far am meal iad a lùsair
 'S a chairdeas gun chaochladh.

'S e chuir am *battal* is buadhaich
 Bha riamh anns an t-saogal,
 O'n t-seathadh uaire, gus
 An d' rainig e naoi dhiubh,
 Cha d' robh aige fear fuaraidh,
 'S e a chruadal thug saorsainn ;
 S' mairg tha gun fhìor-ghras,
 Dheanamh sta dheth Fear-saoraidh.

Cia b* aig am bheil cuingeanan glan
 Gu aithneachdan naomhachd,
 'S eigin dha-s' bhi craiteach
 Airson fasuidheachd dhaoine,
 'S eigin dha-s' bhi craiteach
 Airson fasuidheachd dhaoine,
 'S mairg tha gun fhìor-ghras,
 Dheanamh sta dheth Fear-saoraidh.

Oh ! nach dean iad do mholadh,
 'Mach a fineach' na talmhuinn,
 Aig am bheil fuil a chrathaidh
 Air posta an anama ;
 'S gach neach gheibhear d'a h-easbhuidh,
 Mar threabhar air gainmheach,
 A leagas na stoirnean
 D'ar dh'fhalbhas a Chaingis.*

Bheirinn mo chomhairle

Do gach neach tha 'san t-saoghal,

Iad do shireadh le ùrnuigh,

'San sùil ri Fear-saoraidh,

Ag iarraidh an Lighiche,

Fhad 'sa tha e ri fhaotuinn,

'S maireg tha gun fhìor-ghras,

Dheanamh stà dheth Fear-saoraidh.

Oir tha 'n tìm air a caitheamh

'S tha 'n aoise mi-chinnteach,

Agus aignidhean lìonmhor,

Cho fuar ris na faolaich ;*

'S còmhraidh cho solaimh,

Dh' easbhuidh salluinn na naomhachd :

'S maireg tha gun fhìor-ghras,

Dheanamh stà dheth Fear-saoraidh.

Oir tha 'n tìm air a caitheamh,

'Sa 'n aoise cho mi-chinnteach,

'S ma theid i uile seachad,

'S beag taitneas gach nì dhuinn,

'S ùrnuighean lìonmhor,

Gun sgiamh annt', gun fhìrinn ;

'S maireg tha gun fhìor-ghràs,

Dheanamh stà dheth Fear-saoraidh.

Ach 's tu an toiseach, 's tu 'n deireadh,

'S tu 'n Alpha 's Omega,

'S bithidh mi-shealbh siorruidh

Air gach shluagh 'nì do thréigeadh.

Ach 's tu an toiseach, 's tu 'n deireadh,

'S tu 'n Alpha 's Omega,

'S bithidh mi-shealbh siorruidh

Air gach shluagh 'nì do thréigeadh.

VII.—*Gubheil gach duine tha air ath-bhreith
gun aobhar ghearain.*

NA bitheadh duine de 'n bharail
Gu bheil e son' anns an t-saoghal,
Tha na choigreach do 'n ath-bhreith,
'S tha folamh de naomhachd.
Na bitheadh duine 'gearan,
Air cruaidh-chàsan tìmeil,
Fhuair greim air an ath-bhreith,
'Sa tha sealbhachadh naomhachd.

'S nàr' 's nàire ri chlàistin,
Leanabh ghras' a bhi 'gearan,
Tha 'sealbhachadh naomhachd,
'S tha cinnteach a ath-bhreith ;
Oir cha 'n 'eil staid nan Rìghrean
Ach mar chruinn-leum na crealaig,
'N lā is teithe 'san t-samhradh,
Sud an geamhradh 'ga caitheamh.

Ach cha bu mhaith leam mo bhraithrean
Fhagail cho chumhang
Ri creidimh na dearbhachd,
'S fhuair sealbh ann a fhulang ;
Cha 'n ionann Glòir agus tìm,
Cha 'n ionann daoine' agus Dia,
Cha 'n ionann gaol re fad lā
Agus gaol a mhaireas gu sìor'.

Oir tha gach comunn crìochnaichte
'Crìonadh aig a bhàs,
Dar tha gaol nan naoimh a' tòiseachadh
D' an dualachas 'bhi fàs,
Tha 'n gaol sin gu nadurach
Ag éiridh 'nàird bho ghràs,
'S bho ghlin na h-ath-bhreith fhirinnich,
Le Spiorad Naomh nan gràs.

M'ulaidh is m' aighear,
 M'aighear 's mo ghradh thu,
 Co ris an sìneadh tu
 Nach d'thugadh tu gu gradhan,*
 Ged bhitheadh ann *Légion*
 De dh'armailt an t-Satain,
 Chuireadh tu 's na mùcan iad,
 'S do Ifrinn, na 'm b' aill leat.

Ach 'se th'air mo sgaradh
 An talamh 'bhi na fhasaich,
 Na naoimh air 'n toirt dhachaidh,
 Is beag a' tighinn 'nan àit san;
 Ach nan tòisicheadh tus' ri oibir,
 Sgiobalt theidheadh ceann oirr',
 Bheireadh tu fàs air a chruithneachd,
 'S mharbhadh tu an t-an-lus.

Ach tha breitheanais nan Iùdhaich
 Air tighinn dlùth dhuinn 'san àm so,
 An soisgeul bhi gun chumhachd,
 'San ath-bhreith 'bhi gann ann;
 An soisgeul bhi gun chumhachd,
 'San ath-bhreith bhi gann ann;
 'S mar dean thus' ar pilleadh
 Theid ar milleadh 'sa gheamhradh.

M'ulaidh is m'aighear,
 M'aighear agus méudal,†
 'S tu thiorc Ninebheh,
 Dar bha i air a treigeadh;
 Chual thu a sgread
 Is fhreagair thu an éigh',
 S rinn thu an teagasg
 Le eagal is beag foghlum.

* Gu feum, no bleadh. † Expression of strong affection.

Cha 'n ionann sin is sinne,
 Bha thu 'teagasg iomadh bliadhn';
 'S dar thainig thus' 'dh'iarraidh meas oirnn',
 'Se fhuair thu dearcan fiadhaich.
 'S ged thoill sinn gu bràch
 T-fhabhair d'ar treigeadh,
 Se sealladh de Immanuel
 'Shlanuicheadh gu leir sinn.

VIII.—*Oran a rinn e aig am an d'robh e gun
 lathraich, agus cuid de luchd-eòlas, gun
 a bhi a' breithnachadh maitheas an Tig-
 hearn dh'a, a' meas gu 'n d'robh a chor
 a nis roiosal. Fhuair e an sin, cosmhuil
 ri Iob, tuille is a dha uiread 'sa chaill e.*

THA luchd faicinn is eòlais
 Faicinn leòn anns mo chrann-chur,
 Ach tha mis'mar Eithear* a seò dh,
 'S mhuir fuidh 'ga h-ìomchain;
 Oir is maith do ghrasan
 Gu àrach an anamain,
 'Se bann† is cinntich, a aran
 Na 'n talamh ri leanmhuinn.

'Se bann is cinntich' a aran
 Na 'n talamh ri leanmhuinn;
 Ged 'eil iomradh 'am bárail
 Mi 'bhi folamh gun earbs',
 'Se 'm Biobal mo bharrant,
 'S cha 'n eagal gur gann domh,
 Is bithidh mi beò air an toradh
 As deigh do 'n fhaileas so tionnda'.

* A Boat. † Bond.

Cha 'n e dìth 's nach 'eil stòras
 Gu leòir aig an Athair,
 Ach dìth 's nach fhuillings' fhaotainn,
 Ach lòn tide r'a chaithe'.
 Dar bha Israel 'san fhasaich
 'Ga àrach le *manna*,
 Cha d'robh cead a chuir cruinn ac'
 Ach na dh'imridht' gu chaithe'.

Ach 'scumhang goirid a bharail
 Th'aig daoine folamh gun ghrasa',
 Air freasdal an Athair,
 Fhuair iomadh rathad gu tearna';
 B'fhearr na nithe so fhoineachd
 Ri Elijah am Fàidh,
 Dar bha e anns a charaig,
 Gun dad ann a lathair:

Chuir e fitheach do ionnsuidh
 Le meildidh* 'gu thearnadh;
 Le meildidh gu 'thearnadh,
 Mus fhaillinneadh aran;
 'S ged lobhadh na raointe,
 'S gun bheathach ni bhi 'san talamh,
 Gheibheadh do phobulls' an arach
 As deigh do chach bhi folamh.

As deigh do chach a bhi folamh
 Tha 'm beath falaichte an Criosd ac;
 'S anndheth feartain na fola
 Fhuair' iomadh rathad gu dìon doibh;
 'S dar heid an eigheachd gu cala',
 Chuir solus air gnìomhra',
 Gheibh iad saors' o'n eallaich,
 'S bho na tonnan gu sìorruidh.

* Lòu, biadh.

Ach cha 'n ann 'san uilean air cluasag
 Tha thu 'cumail 'suas do phobuill,
 No mar ainmhuidh 'san raon,
 Tha 'ga lionadh, gu cadal,
 Ach a bhi air an ruagadh
 Mar uain' 'am measg mhadraidh,
 Is aid a' dùraigeadh 'm fas'chadh
 An aon tra as an talamh.

Ach b'e so latha na dubhaich
 Do luchd subhaich an t-saoghail,
 A bhi 'teannadh stigh orr',
 Tim tearbaidh na'n naoimh uath;
 Cha 'n fhaigh iad 'choidhch' tuille
 An tròcair a 's lugh' ann 'n tim ualth,
 Ach bithidh 'cheartas 'g an craidhneadh*
 Ma' ri deamh'na dhaontan.

Ma' ri deamh'na dhaontan,
 Bithidh daoine gun ghrasan,
 Thilg thairis an fhirinn,
 Tha 'g innseadh mar 'tha iad;
 Ach dar thig lath' an tionail,
 'S gach fine na lathair,
 'S cùis chraidh a bli 'faicinn,
 Meud na feachd bhitheas aig Satan.

IX.—*Oran a rinn e aig am an deach mòr shlu-
 agh as an Dùthaich do America, air lorg
 foreign na 'n daoine mòra.*

THA mi 'faicinn iongantas
 Air tighinn anns an àm;
 Cha 'n 'eil againn ach bhi 'g éisdeachd
 Na chanas é-sa ruinn,

Buinidh nithe na follaiseach
 Dhuinne a's do ar cloinn.
 Ach na nicheanan tha uaigneach
 'Se dhiomhaireachds' tha ann.

Ach tha mi 'faicinn faileas
 De na nithe bh'ann bho chèinn,
 Dar bha pobull Israel,
 'San Eiphit ann am pèin :
 Thug e le laimh làidir iad
 A mach bho Pharoah féin,
 'S dh' fhosgail e an cuan doibh
 Dar 'luathaich e an deigh.

Tha mi 'faicinn deuchainnean
 An tràthsa air gach làimh,
 Teaghlaichean bha urramach
 Air leagadh mhàn an ceann,
 'Seirbhisich nan Uachdarain,
 Is oighreachan na'n clann,*
 An talamh làn de èigin,
 A Dhè co sheasas ann !

Tha mi 'faicinn risdich
 An fhirinn air a ceann ;
 Doras a bhi air fhosgladh
 'N uair a bha an iomair† teann ;
 'S na'm b' chlann cùmhnant
 A dhùraigeadh dhul ann,
 Dh'fhosgladh e na flaitheanas
 Mus d'thigeadh iad gu mall'.

* Aig an àm so bha Iarla Chat is Mor'ear Mac-Aoi
 air an toirt air falbh le bàs, agus an oighreachan na 'n
 clann òg.

† A rig of land.

'S ged theidheadh iad do Char'lina,
 No do m'hir tha fo 'n ghréin,
 Cha b' urra dhoibh tachairt
 Ach ann an talamh féin;
 'S iad oighreachan na 'n geallaidhean,
 'S bithidh 'n solumas* d'a reir;
 'S ged thigeadh iad gu cruaidh-chas
 Theid fuasgladh orr' na 'm feum.

Tha mi faicinn iongantas,
 Air tighinn anns an àm,
 Ach se coi-lionadh na fìrinn e,
 Bha air innseadh dhuinn roi' làimh;
 Gu 'm bitheadh àite aonarach,
 Daoine air 'n cuir ann,
 'S gu 'm bithdeadh iad air aitireadh†
 Le caiteal agus clann.

Feudaidh 'n glan 'san salach,
 Bhi 'n aon-uair anns an long,
 An cogal is an cruithneachd,
 Bhi air an cuir 'san aon fhonn,
 Is fàsaidh iad cuideachd,
 Gus am bi am foghar ann,
 Dar thig tìm na dealaichdean
 Eadar cruithneachd agus moll.

Ma chanas sibh gur breugach so,
 Leughaibh e bho 'n tuil:
 'N uair nach d'robh air fhàgail
 Ach an àirc gu sìol-cuir,
 Ma leughas sibh gu grund e
 'S eigin dhuibh an sguir,
 Ma 's breithnich sibh reusand'
 Gach creutair bha 'n sud.

* Abundance. † Inhabited.

Ach 'se tha cuir orm iongantas,
 Cionnus bha iad beò,
 An t-uan agus am madradh
 Air an cuir anns an aon chrò,
 An nathair is an duine,
 Chaidh an tùs leatha 'leon ;
 Gach beathach glan 's neo-ghlan,
 Cionnus fhuair iad lòn.

Ged bhithinnse cho gòrach,
 'S gu 'n deònaichinn dhul ann,
 Mar d'theidhinn air an rathad,
 Cha 'n f hada bhithinn ann ;
 'S ann tha mo shùil ri baile
 Is fearainn nach bi gann,
 Far nach caochail maighstir,
 'S nach imir cliath no crann.

Tha uachdarain na 'n daorsainn
 Do dhaoine anns an àm,
 'G am fuadachadh 's 'ga teannachdadh
 Gu tìr ni maith do 'n clann ;
 Ach moladh bhi gu bràch
 Do 'n Ti is airde glòir,
 Fhuair amach am fosgladh ud,
 'Sa dheasaich dhoibh an lòn.

'Se mo bhàrail air na càirdean,
 Tha 'n tràthsa fada uainn,
 Gu 'n dean Dia an lìbhrigeadh*
 Bho chumhachd gaoith is cuain ;
 'G ged 'eil dàn mar dhùrachd†
 Aig uaisle an taobh-tuath,
 Gheibheir an cuid litrichean
 Is teisteanas am buaidh.

* Deliver.

† Dan mor dhùrachd, means to have according to wish.

X.—Oran a rinn e air Coimhearsnaich mu 'n cuairt dh'a, a bh aann an amhreite, a cain-eadh 'sa deanamh rannaidheachd shalach do cheile; is a bha feumail ann an cosg' a chuir air an cleachdaidhean.

BHO dh'ith sinn an Ubhal
 Thanaig dubhaich is bròn,
 'S iads' tha dh' easbhuidh na h-ath-bhreith
 Gheibhear toibheum 'nan ceòl;
 'S leòir mheud dhoibh mar pheanas,
 Na leanas ri 'n dòigh,
 'S ma bheir iad creideas do 'n fhìrinn
 Tha i 'g innseadh na 's leòir.

Bha mi ceithir bliadhna fichead
 Air aon inntinn riu-fein;
 Ach airson sùsana de shaoghail
 Cha d' theidhinn ris'd as an deigh,
 Gu leantainn ri 'n àbhais,
 Mar àbhais dhomh fein,
 'S ma gheibh mis dhe fhabhar,
 Theid an còrr as a dheigh.

Tba naimhdeas na naithreach,
 'Ga fheuchainn bho thùs,
 Air teachd bho Adhamh,
 Mar phlaigh air gach feòil;
 'S mar fhaigh sibh an ath-bhreith
 An talamh na'm beò,
 Gu 'n theid sibh gu Ifrinn
 Le dubhaich is bròn.

Iads' a chuireas do' n fheòil
 Bithidh bròn ann am buain;
 Ach iads' a chuireas do na Spiorad,
 Bithidh solas 'nan duais,
 Nach fhacas le sùilean,

'S nach cualas le cluais,
Meud, doimhn', agus àirde,
Am fabhair 'sam buaidh.

Bheirinn maitheanas bho m' chridhe
Do gach neach fo 'n ghrein,
Na 'n deanadh iad tionndadh
Bho gach taunt tha 'nam beul ;
Cha bhi mi ris an rud shalach
Tha gràineil anna féin,
Air am bheil aogais na h-Ifrinn
A' struthadh bho 'm beul.

Nach ann a gheibheadh sibh solus,
Is foireachdan bheò,
'S gu 'n deanadh sibh tionnda'
A dh'ionnsuidh nam beò,
Far nach 'eil gāmhalda
No taunt ann an ceòl,
Ach seinn agus moladh
'Ga shealbhachadh 'n glòir.

'S tu 'm 'ulaidh, 's tu m' aighear,
S' tu m' aighear 's mo ghràdh ;
Shoillsicheadh 'n inntinn,
'Sa chaochailleadh chàil,
Chuireadh gras anns a chridh'
Is moladh 'sa bheàl,
'Sa phridhigeadh* le naomhachd,
Do naoimh anns gach lā.

Cha 'n 'eil gealladh 'san fhìrinn
Bho thoisich gu crìoch,
Air am bheil còir aig na daoine-s,
Gus an caochail iad rian ;
Cha n 'eil bagair 'sa Bhìobal

* In allusion to seasoning of meat with salt or pickle.

Air a sgriobhadh bho thòs',
 Nach buin do na daoine'-s',
 Ach an caochail iad ceòl.

Ach bheirinn mo chomhairl,
 Na 'n gabhaid i uam,
 Bhi leantuinn gach abhais
 A b' fhearr anns a duais,
 Nan creideadh sibh 'n fhirinn
 Mar dh'fheudainns' a luaidh,
 'S ann bu mho n'ur fabhar
 'Sa bhàs, ge b'e uair.

XI.—*Oran do ANNA MHEURCHIE, bean araidh ;
 ri àm foghar' fliuch, 'n uair bha i air a sara-
 chadh le eas-chreidimh, agus thuirt i " Gur
 h-ann dhéilig Dia gu cairdeach ris a mhuinn-
 tir a thug e dhachaidh o an droch latha."*

ANNA, dheilig e gu cairdeach riu
 Do 'n d'thug e gras, 's tha ann,
 Tha cinnteach a fhabhar, is
 Nach failinnich a chainnt ;
 Ged lobhadh na raointean
 'S gun bheathch ni bhi 'sa ghleann,
 Ma 's d'theidheadh 'h on diubh gun aran,
 Thigeadh manna 'nan ceann.

'S ged 'eil peacaidhean dhaoine
 'G eigheachd ditheadhadh teann,
 Agus tearc dhiubh ri fhaotainn,
 Tha na 'm fireana' ann ;
 Na 'm bitheadh h-aon diubh a'm baile
 Cha bhitheadh 'n tomhas ud gann,
 Ghleidheadh sud dhoibh an talamh
 Gu sìoladh fearainn is fonn.

Ach 's minig thug e baile agus baile
 'Seachad do fholamhachd ann,
 Is thug e dithis a teaghlach,

Is an deigh-san an clann ;
 Cha bu dearbhachd leam air e,
 Cainnt bho mho bheul,
 Ach deiligeadh Spioraid,
 'Sa thaghald na dheigh.

Ged tha mi 'n traths anns a gheamhradh
 Thig mo shamhradh a dheigh ;
 Ach bha an claidheamh air a tharruing,
 Is dòrtadh fola do reir ;
 Is gach breitheanas eile
 Airson peacana dhaoine,
 'S geur-leanmhuin 'ga bhagair,
 Gu dearbhadh n'an naoimh.

Ach gach ministear arain,
 'S luchd-comuinn fòlamh gun bhrìgh,
 Fanaidh iads aig a bhaile,
 Mar choin air alachd* gun dì ;
 Ach dar thig àm feuchainn na h-ola
 Is coinneachadh 'n Rìgh,
 Bithidh iads' air am pilleadh
 Gu 'n aimhleas bhìbhuan gun chrìch.

XII.—*Oran a rinn e rì àm gainne, agus farmad
 air éiridh na inntinn rì pailteas a chunnaic e
 aig coimhearsnach.*

GALAR cràiteach nach gabh dhìom àicheadh,
 Air teachd bho Adhamh, lean m' airneans' a nuas ;
 Galar éigin leis nach b'àill mo thréigsinn,
 Faic a Dhé e, ag iarraidh buaidh :

Galar clao-nail air feadh an t-saoghail,
 Is chaidh sgaoilt air feadh an t-sluaigh ;
 'S mur fhaigh mi léine† de 'n aodach chéireach,
 Bho Oighre Dhe, th 'n còmhnuidh shuas ;

* A carcase.

† A shirt.

'S mur fhaigh mi léine de 'n aodach chéireach,
 Bho Oighre Dhe, tha 'n comhnuidh shuas,
 An deis is àilte, nach imir tàilleir,
 'S nach iarr luchd-ceird gu a deanamh suas.

'S ge b'e thàradh do 'n tigh a's àirdé,
 Far am bheil àillteachd is brad na h-uails',
 Dh'innseadh Daibhidh, Maois, is Aaron,
 Peadar, is Paul, pàirt de a luach.

XIII.—*Oran a rinn e ann am bliadhna na gain-
 ne, rè Cogadh America; anns am bheil e a'
 gearan, dar bha mòran ag iundrain an aran
 aimsireil cho beag 'sa bha de mheas air an
 aran spioradail, bha pàirt anns an tìr.*

M'ULaidh m'aighear, m'ulaidh m'aighear,
 M'ulaidh m'aighear meudal;
 'S tu fhreagradh glaodh na'm bochd,
 Dar bhitheadh iad na 'n eigin;
 'S tu a chaisgeadh cumhachd na goirt,
 'N uair bu mhò a h-eighe,
 'S tu a chaisgeadh cumhachd a chlaidheamh,
 'N uair bu mhò-a gheurad.

M'ulaidh m'aighear, m'ulaidh m'aighear,
 M'ulaidh m'aighear meudal;
 Ged a lìonmhoraich thu an t-aran*
 Cha 'n 'eilear 'deanamh feum deth;
 Tha na treabhaich† 'dul a mach,
 'S cha 'n 'eil maithreas as an deigh;
 Tha 'n Tigh-stòr air a ghlasadh,
 Cò dh'fhosgaileas na seulach'?

Cia fhad a bhitheas e na bhonna creidimh,
 Oibrichean is foghlum,
 Is oibir na lagha o 'n bhaile
 Gun fhacal mu a deighne;

A chuilic bhrùit' cha 'n 'eil ri fhaighinn,
 'S smùd cha 'n 'eil ag eiridh ;
 Tha an Tigh-stòr' air a ghlasadh,
 Cò dh'fhosgaileas na seulach' ?

Airson meud mo chiont
 Is lionmhorachd m' eacoir' ;
 Ged robh mise tric a' tagair,
 Cha fhreagairear m' eighe ;
 Ged robh mise tric a' tagair,
 Cha fhreagairear m' eighe ;
 Tha an Tigh-stòr air a ghlasadh,
 Cò dh'fhosgaileas na seulach' ?

Dar bhitheas gach beul air 'n stopadh,
 Gun fhreagaireadh do 'n eighe,
 Sud Prionns' na beatha air a chasan,
 Foisg'lidh mis na seulach.
 Theid na treabhaich 'n sin a' mach,
 'S bithidh maitheas as an deigh,
 'S dar bheir thusa dhoibh do ghnùis,
 Bithidh ol' is tùis ri'n teudan :

Is thig an dealt gu frasach pailt,
 'S bithidh gart is alt ag eiridh,
 'S bithidh na mairbh a' tighinn beò,
 Le feartain glòrmhor fein uat ;
 Bithidh an t-uan an àit a mhadraidh,
 'S Criosd an àit an dragoin ;
 'S bithidh 'n fhàsaich na tobair usig,
 Ged 'eil i 'n diugh na h-Eiphit.

Is bheir thu dhachaidh clann a chumhnant
 As gach taobh an d'theid iad,
 Oir tha do ghealladh dlùth
 Do Iudhaich is do Ghreugaich ;
 Is as gach fine tha fo ghrein,
 Ni thus a 'n àird do threudan,
 'S cha chuir bith-bhuantachd an ceill,
 Mheud 'sa rinn thu dh'fheum dhoibh.

Thug thus' aodan do 'n chath,
 An lath' bu mhò eigin,
 Dar bha flaitheanas is talamh,
 Agus ifrinn le 'chele,
 Air taomadh 'mach 'na t-aghaidh,
 Dh'fhuaisgil thus' na seulach'.
 M'ulaidh m'aighear, m'ulaidh m'aighear,
 M'ulaidh m'aighear meudal,
 'S tu fhreagrachd glaoch na'm bochd
 Dar bhitheadh iad 'nan eigin.

XIV. — *Oran a rinn e ann an tìmean triob-
 laideach.*

GU 'N tigeadh do rioghachd
 Mar lili anns a cheitean,
 Le dealt na an gràs,
 Bheireadh fàs air na geugan ;
 Tomhas de 'n Spiorad,
 Do ghlanadh mic Lebhi—
 A mharbhadh na sionnaich
 Lean mis' a lios Edein.
 Mo thruaighe 's mo chradh,
 Gu bheil an sgeul ud na firinn !
 Cho tearc is a tha iad,
 A tharas a h-innseadh,
 Aig am bheil e ri fhaicinn,
 Beath' is cleachdadh na naomhachd
 'S gu 'm feudar a chreidsinn,
 Gu bheil 'n teist'neas fìor-ghlan.

Mo thruaighe 's mo chradh
 Gur e-sud an caradh air daoine,
 Is iad 'tuiteam na 'n cadal
 Ann an seachranan claonaidh ;
 'S mur dean iad-fein tionnda
 Dh'ionnsuidh 'n Fhear-saoraidh,
 Tha iomlan gu 'n tearnadh
 A lamhan 'n fhear-dith'chidh—

A lamhan an deamhain
 Tha 'gan cumail mi-rianail
 An aghaidh a cheile,
 Le chuilbhearta' diomhair—
 Mar leòmhnan 'san talamh,
 Rinn an tuigs' mar chriathar ;
 Ge bhithear 'gan teagasg
 Cha ghleidh iad a bhriathar'.

Gu 'm bu naomh, 's gu 'm bu naomh
 Do t-ainm-s' a ta glòrmhor,
 Gu 'm bheil fuighleach 'san talamh
 Do 'n d'rinn thu aithnicht' do thròcair ;
 Tha' thu cinnt' ann do dheilig,
 'S tha thu-fein dhoibh 'mar phòrsan,
 'S tu 'mhaireas gu sìorruidh,
 'S cha chaith bliadhn' do stòras.

'Se aobhar chomhfhurt na 'n naoimh e
 Dar bhitheas iad a' còmhradh,
 Cho foirfe 's tha 'n ulaidh
 Ruith eadar am meòran :
 'S ann bu mhaith i gu a cleachdadh,
 'S cha d'robh pèacadh 'na cnòdach—
 Iads' do'n ulaidh an saoghal
 Sud iad saor dheth rè momaint.

Moladh bho an talamh
 Mar eòin 'gaireal anns a cheitean ;
 Mar chalmanan a ghlinne,
 'S iad a' guil airson ea-coir,
 A' sealltuinn ris-sa chaidh tholladh,
 'Tarruing beath as na gleusan,*
 'S bitheas e-sa gu brach
 Mar dhìon laidir nach treig iad.

Nach h-ann 'sheideadh na gaoitean
 Air cnamhan tioram na fasaich,

Ach an deanamh e 'n tionnda
 Mar chraobh ghlas anns a gharadh :
 Mar chraobh Lebanoìn is ghiuthais,
 Mar chraobh ubhail is phalim,
 Bheireadh meas agus toradh
 Nach gearradh am bās uath.

'S ann mar sud 'tha lios an Tighearn
 Air a siòladh le gràsan ;
 'S ann 'n sud 'chithear gu soilleir
 Deadh chladhach a ghàrnal—
 Geugan an lagha,
 'S dealt an t-soisgeil 'gan àrach,
 Bheireadh meas agus toradh
 Tre iom'dh ginealach 'sàlach.

Nach h-ann bhitheadh agam cridh'
 Leis am molainn nì b'fhearr thu,
 Airson teachd Fear-saoraidh,
 Is saorsainn a ghràsan,
 Fhuair buaidh air 'n t-saoghal,
 Air daoine, 's air Satan,
 'S ged luidh 'n eunlaith air 'n ìobairt
 Cha do dhìbreadh Abram.

XV. — *Marbh-rann a rinn e do Mhaighstir*
 HUISTEAN ROSS, *Ministear a bha ann an*
Cildonnan.

OCH is ochan mar tha mi !
 'Triall gach là do Childonnan,
 Rì bhi smuaineachadh t-àbhais,
 Agus blàthaid do chomuinn ;
 Ge chòmhlaidh an uaigh mì,
 'S mi 'n uairean 'ga taghaid,
 Cha sheas i dhomh d'ait, ach
 A' triall gu bràch as do dheigh.

B' fharasd' aithneachdan air do ghleus,
 Gu 'n d' robh do speid a' dul dachaidh ;
 Dar theidheadh tu 'sa Chùbi,
 Bhitheadh fion ùir anns an fheasgair ;
 Dar theidheadh tu 'sa Chùbi,
 Bhitheadh fion ùir anns an fheasgair ;
 'S gach neach a ghradhaich an fhirinn,
 Bu chaomh leo do theagasg.

Tha mi 'cuir fhianuis air do naimhdean,
 Mur innseadh tu 'n fhirinn ;
 'S mur d' fhuair iad do theagasg,
 'S cuis eagail ri innseadh.
 Bheireadh tu bainne do 'n uan,
 Agus biadh do 'n chaora',
 Is gheibheadh tu do 'n t-sedair,
 A chuid fein anns an fhirinn.

Bheireadh tu bainne do 'n uan,
 Agus biadh do 'n chaora',
 Is gheibheadh tu do 'n t-seudair,
 A chuid fein anns an fhirinn ;
 'S dar thig iad-san cuideachd,
 Cha bhi thus' air do dhiteadh :
 Cha b'e sud do pheacadh
 Gu 'n ceileadh tu 'n fhirinn.

B'e sud Ministear na comuinn,
 'N tra chruinnicheadh 'chòmhail,
 Dhaighnicheadh oibir an dearbhaidh,
 Na 'm bu bheag na 'm bu mhòr i ;
 Ach airson a chealgair bha
 Thu d'imcheist dha 'n gòmhnuidh ;
 Gheibheadh tu 'mach air a bhlas e
 'S air fhoireachdan còmhla'.

Be sud ceann nam peathraichean
 Agus cairid nam bràithrean ;
 Thaobh na feòla 'sa spioraid,
 'S ceart a bheireadh tu gràdh dhoibh ;

Ceanna mna thu 'bha muileach,
 'S goirt a bhuin rith', do bhàs-sa;
 'S ma de'innseas mi 'n fhìrinn,
 B'e sud mo chaochla' cràiteach.

Gu'n cuimhnich an t-Ard-Rìgh
 Le fabhar do leanabh,
 D'a gleidheadh 'san t-saoghal,
 O gach baoghal is sgainnil;
 Gu'n lean e le naomhachd
 Bean na mìne 'bha ma' riut.
 Riamh cha 'n fhaca mi h-aodan
 Ach fial faolaidh is cainnealt.

Bu bhlath do na bochd' thu,
 'S bu cheann-uigh do 'n àicheadh,
 'S do theaghlach a chreidimh,
 Cha 'n fhaca mi d' àraidh,
 Riamh ch 'n fhaca mi leithid
 De cheann peathair is bràthair;
 'S tha e 'nis ann an teaghlach
 Cho saibhir 'sa 's àill leis.

Cha b'e Ministear an arain
 A bhagam ri iomradh,
 Ach fear chunnaic 'sa dh'fhorich
 De 'n ath-bhreith na dh'imireadh;
 A' préisgeadh 'n t-soisgeul
 Bho fhoireachdain an'main,
 'S bheireadh chomhairl bhitheadh fìor-ghlan,
 'S bhitheadh ciallach ri leanmhuinn.

Ach bheirinn mo chomhairl,
 Ma theid mi 'sa Sgìre-sa,
 Gu'n dean iad mo leabaidh
 Co fagus 's tha sìnt' riut:
 Oir cha 'n 'eil dìfir pearsa
 Ri fhaotainn 'san áit ud;
 Tha 'n Rìgh 'sam Baig'ear
 San aon stáid anns a bhabhuinn.

Gu bheil mis' de 'n bharail,
 'N tra bhitheas sinn 'g éirigh,
 Gu 'n aithnich mis' agus HUISTEAN
 Anns an dùsgadh a cheil',
 Dar thig trùmpaid o 'n Athair
 Bithidh sin a chaith anns a cheile,
 'S bithidh toiseach an rathad
 Aig fàomh anns an eirigh.

XVI.—*Marbh-rann do SHEARRA M'CULLOCH,
 bha 'n Dornoch, a bhathadh 'sa Phort-mhor.**
 Le SAMUEL MATHANACH.

GUR fada buain chaidh am fuaime
 Air gluasad suas ha trompaid,†
 Mais an t-sluaigh na luidh 'sa chuan,
 Is osnaich bhuan 'ga iundrain.
 Ceann-uidh nam bochd, na luidh 'sa Phort,
 'Sa mhac gu bochd 'ga iomnadh sud—
 Ach tha mis' an dochas, 'm Fear a ghleidh Ionah,
 Cho fada beo 'san ainmhidh ud,
 Gu'n gleidh e e-sa, bho bhuil' an Eisg,
 Ach am faighear e, mar 's ionmhuinn leinn,
 'S gu 'n d'theid gu h-ordail, 'chuir do Dhornoch,
 Far 'n d'robh e beo 's gu 'm b'ainmeil e:
 Mar thaic 's mar shìth, mar phrap 'san tìr,
 'S cha 'n fhaighte trì an Alba' dheth.
 'S gur e th'air innseadh 'feadh na rioghachd,
 "Cha 'n fhaic sinne a choidche cho dealbhach riut;"
 Dar theidh' tu a sgaileahh d'fhoireachdan ghaolach,
 Eadh gu 'n taobh'cheadh leanabaidh riut.

* Hugh M'Culloch, Esq. late Sheriff-substitute of Dornoch, who, with many others, was drowned in crossing the Meikle Ferry—a man, with his other good qualities, eminent for piety, and whose death is much and justly lamented by many, and in particular by a large circle of his Christian acquaintances in that country.

† In singing the Elegy, every two lines are twice repeated.

'S dar theidh' tu dh'ùrnuigh, 's gaoth 's na siùil agad,
 Bhitheadh tu mar dhriùchd do anamana ;
 Bhitheadh blas na mealach tighinn bho t-anail,
 Dar bhitheadh d'anam 'sealbhachadh.

'S dar mhìnich' tu 'n fhìrinn, 'mach as a Bhìobal,
 Gheibheadh gach aon an dearbhachd uat :
 Bhitheadh do chàirdean guil 'sa gàire,
 Dar bhitheadh do bheul-s' 'ga h-ainmeachadh.

'S dh'inns' tu do chàch nach d'robh 'sa chlàr,
 Aon fhacal tear'nte gu earbsa dhoibh,
 Mur tionnda' iad gun dàil gu Rìgh nan gràs,
 Gu 'n deanadh 'm bās a dhearbhadh dhoibh.

Ach tha bochda' 'n t-sluaigh ri gearan chruaidh,
 Mo thruaigh! gu 'n deach' thoirt im'rich uainn ;
 'S ar tìr gu slàn, air fhàgail fàs,
 Gun nea⁶ ni àits' a lionadh dhuinn.

Tha na bh'agad de naimhdean 'g éirigh a 'nàird,
 'S iad féin 'sa Sàtan geamhuineach ;*
 'S tha iad an tràs' aig fois is tàmh,
 Oir bha thu na d' plaigh 's na t-imcheist dhoibh.

Ministeirean gun ghràs, 's cealgairean fàs,
 Cha 'n 'eil do bhās 'gan cumraigeadh ;
 Nior 'a ionann sud 's do chàch, á fhuair dhe do ghras,
 Cha sguir gu bràch de d'ainmeachadh—
 'S cha 'n 'eil gu leòir, air an taobhs' de Ghlòir,
 Na ni an cuid leon-s' a thiomachadh.

'S ann leam gur cinnt', gur iad bhitheas tinn,
 Aig àm na seinn a criochnachadh ;†
 Bhiodh cheols' dol suas gu Rìgh na' sluagh,
 S' bhiodh leòntaich thruagh gle inntinneach.

'S dar theidh' tu dh'ùrnuigh, aig àm an dùinidh,
 Bhiodh iomadh sùil 'gan tiormachadh :

* Joyful or merry.

† Alluding to a fellowship meeting held in the neighbourhood of Dornoch, which he regularly attended.

Ghluaisèadh marbh, is sheinneadh 'm balbh,
 'S bhitheadh cnamhan marbh a' tiomschadh.
 'S mu dheighne do chliù, tha e na 's mò,
 Na gu 'm b'fhiù sinn bhi 'ga leanmhuinn sud ;
 'S cha 'n urra gu bràch rè feadh n-ar lā,
 Le teanga Bhard do dh'ainmeachadh.

Ach seall 's gun dail 'nuas air na dh'fhag
 Gu toirt dhoibh pairt de 'n ionmhas ud,
 Thug è-s' gu tear'nt, gu cala na slaint,
 'S gu bràch cha 'n fhaic e cumraigeadh.

Ach a Rìgh na 'n gras, thug è-sa 'naird,
 Cuir a dheis gu slàn air aon-ghin-mic ;*
 'S mu dheighne chaich, cha 'n urra mi radh
 Do thaobh s' nach f har mi'n ainmeachadh.†

Ach fhuair mi cliù, air a chuid bu mhò,
 Bha glé chùr gu leanmhuinn ris:
 Sa mheud sa beòl domh, 'm fad's bu bheò iad,
 Bu mhòr an leòn a h-Albain iad.

Sa Christì ordail Nic-an-Toisich
 'Se do dhoighs' bha ionmhuinn lea'm :
 Bha thu deanamh, gun bhi 'g fheuchain,
 'S do chuid deur 'gan tiormachadh.

'S dar rinn mi t-fhgail, 's guidh gu slàn duit,
 Bha mi cradh gu h-uaigneach ;
 'S thuirt mo bheal e ris na bha laimh rium,
 Cha 'n fhad an dail gun iomlaid duit.

Ach fhir a dh'fhag i, lean's a raidean,
 'S bheir iad tear'nt gun iomrall thu.

XVII.—*Oran do Mhistress GORDON, bean urra-
 mach bh'n Achadh-na-mòine, ann an Sgìre
 Chìll-donnain.*

OICH is ochan mar tha mi,
 Is Iordan a bhàis na chuan bàthaidh,

* His only son, who was then a Captain in the army.

† Alluding to those that had been drowned with him, and
 whose names had not at this time (1809) been ascertained.

'S nach faigh anam 'null air tèaruint',
Ach mheud 'sa shealbhaicheas do gràsan.

Ach fhuair thus' null air aon uair a Bhattie,
Is fhuair thu saoras corp a pheacaidh,
Ged b' iomadh uair gu 'm b'e do bheachd-sa,
Gur tu bu mhò de na peacaich.

Ach seall-sa mhàn oirnn a t-fhàbhair,
'N uair thug thu uainn' a gheug bha àluinn,
Air an d'robh na measan tèaruinte,
T-fhìor eagal is gaol nam bràithrean.

Fhuair thu farsuingeachd gu sgaoileadh
Na thàr thu riamh de' n t-saoghal :
Fhuair thu beachd air mar na plaosgan,
Is fhreagair thu leis-san faithn an Fhir-shaoraidh.

Sgaoil thu e air na bochdan,
Is tha thu nisean 'buain an ocair,
Is na tha ad dheigh-san dhiubh 'sìor osnaich,
Mo thruaighe leir gu 'n deach i as so.

Roghnaich thu iad as an t-saoghal,
Roimh dhaoine mora lan de mbiltean,
Is tha thu 'nis 'nan cuideachd dhaontan,
Mar ri Abraham agus Isaac.

Dh'eirich dhuit-san sud glé thrathail,
Mar dh'eirich do Mhaois air nighean Pharaoidh :
Roghnuich thu cuideachd nam braithrean,
Roimh uile ionmhas an tigh a 's àine.

Is ged bhiodh iad-san bochd gun aodach,
Gun òr gun airgiod anns an t-saoghal,
'N uair chitheadh thu-san an aodainn,
Lionadh do ghnùis làn de dh'fhaoilt riu.

Dar thigeadh tusa gu tigh na còmhlaich,
'S mise nach cluinneadh fuaim do bhrògain,
Is bheag air mhòr na bhiodh do mhòd ann,
An t-aite a b'isle b'e sud do phòrsan-sa.

'N tra bhiodh mnathan fuar gun ghrasan
'G iarruidh an t-suidheachan a b'airde,

Thigeadh thusan a steach gu sàmhach,
Is shuidheadh tu shìos, gu 'm b'è sin t-abhaist

Fhuair thu spiorad na fìor àicheadh,
Is chleachd thu i fhad 'sa bha thu ;
Fhuair thu saoras daorsan Pharoih,
Ge tric a dhearbhadh e dhuits' na namhaid.

Fhuair thu neo-lochduidheachd a cholumain,
Fhuair thu gliocas na beist a mharbh sinn,
Fhuair thu 'mache bho 'n h-uile an-earbsa,
Is fhuair thu creideamh air a dhearbhadh.

Bha thu maiseach ann a t-aogais,
Is dh'àicheadh thu *fasanan* an t-saoghail,
Ghabh thu taitneas ann an naomhachd,
Is tha thu nis air do lān shaoradh,

Cha 'n fhaicinn fhein ort stoc no crābhat,
No léine bheag mar tha aig an árdan ;
Ach neapaig shingilte air do bhraghaid,
Is thu mar rialt air beinn glé arda.

Mar bhaile air cnoc thu bha gle dhealrait',
Ged bhitheadh tu-fein 'ga t-fhalach ;
Gur beag an tìom 'bhithite far riut,
Dar chithite gu 'n shealbhaich thu fìor sholus,

Ghabh thu taitneas anns an fhìrinn,
Is rinn thu cuideachd de na Bhìobal ;
Ughdairean diadhaidh 's iad bu chaomh leat,
Is bhitheadh tu 'nam measg dar a dh'fhaodadh.

Bu cheann uidhe thu do gach àraidh,
Do dhaoine uailse 's do 'n bhochd bù tàire—
Ach mbeud 'sa shealbhaich fìor-ghràsan,
B'è sud do roghainn de na bhà so.

'Mhais nam ban thu BHETTIE GHORDAIN ;
Co chunnaic 'riamh do 'm b'èòl thu,
Nach taitneadh riu do chòmhradh,
Is tha thu nisean thall air Iordan.

Fhuair thu peighinn dheòr Sheba,
Is dh'fhuasgail e ortsa ann a t-éiginn,
Is phaigh e uile na bha de dh'fheich ort,
Is thug e nis gu Pharras Dhé thu.

Is ma thug thus' ise a nàirde,
Pill-sa *manntal* air na dh'fhàg i,
Dean-sa mar phropach anns gach àit, iad,
Bhios mar bhasgadh do na càirdean.

Och, fhir a fhuair i is a dh'fhàg i,
'S ann leam-sa nach b'ionadh thu bhi cràiteach;
Ach dean-sa do dh'icheal cho fhad 'sa thàras,
Gu 'm bi agad peighinn de 'n fhior càrlas.

Is 'n uair a choinnicheas sibhse a cheile,
Moch 'sa mhadainn aig an ais-eirigh,
Bithidh n-ur gaol is n-ur daimhe d'a cheile,
Air dhoigh 's nach h-urrair chuir an ceill so.

Is dar bha mi 'ga do chaireamh,
'Shaoil leam fein gu 'n robh mi craiteach,
Ri bhi a' smuainteachadh air t-àbhaist—
C'ait' am faic mi do leithid ri àireamh?

Cha b'e bròn idir le an-earbsa,
Ach bròn bhi 'dealachdain gu dearbh riut
Is ged a shiubh'lainn-sa feadh Alba,
Cha mhòr a chithinn-sa de d' dhealbs' ann.

Ach sguiridh mis' a nis do dh' radh so,
Oir cha 'n urrainn mi do chuir an daintean,
Meud do bhuidhean-sa ri àireamh,
Cha chuirte an ceill le teangan bhaird iad,

A CHRIOCH.

